



三

門下多佳士猶然拜李膺園橋新入穀石室舊傳燈
不負天人問全因氣運興自嫌迂拙甚先謝秘書丞

四

兵火連江漢高人獨布衣乍逢新詔出仍載異書
歸上國驚王粲中原想陸機佇看雲霧業不是宦情
微

與馬孝廉天御

愛爾都人士居然號白眉雄文留漢氣雅句擬韓詩
事業千秋許風雲一日資矢將遲暮意伊洛有餘師



送同年聶輯五侍御按甘肅便道省親

皇華十道雨漫漫親舍依然入望寬
萬里行邊先問俗幾年待漏忽承歡
重摩廡角清還要並策鳩頭健
且安下里不知驄馬急繡衣時作綵衣看

七夕雨是日立秋李坦園先生有詩見貽奉答
積雨兼城郭新涼別一天千峰黃鵠立九土赤龍跼
道合詩無忌秋生帝有權近聞年穀兆誰達 至尊

前

時有穀生
雙穗之報

次韻答范箕生

吾道中流日龍門有客登投交簪紱少格物烏魚興

病骨支燕市秋懷寫杜陵卧遊渾不厭樽酒露華凝

中秋述懷東魏石生

執戟君門分所安那堪節序入愁寬
秋來自覺身無恙月滿曾經夢幾端
弱婦近年依井臼遊兒何處覓
樽盤獨憐萬古光明夜不近高堂不忍看

中秋次夜念家信久不至東王似鶴太僕

華髮南樓夜星河接素眸敢勞前夕月仍掛一天秋
海嶠珠光白邊關鴈影浮自從書信去消息對簾鈎
周芑穀父七十以壽冊索題

君家給事舞萊衣堂上今年是古稀世德真能傳一

硯綸書曾已到雙扉閒看碧海星槎過每索黃門諫
草歸齒列上庠尤不愧仙郎清白有光輝

為張進士題父節母壽冊各一首

明運知難挽先生竟不存乾坤多正氣秦晉一幽冤
直筆輸良史狂歌慰九原 興朝隆節義何處薦秋
繁

二

萱室稱觴日仙郎出宰時白雲通華嶽青鳥出瑤池
北地文星迥江城畫舫遲好將新政蹟先慰倚門思
送湯泰瞻進士令南漳

險絕南漳縣看君匹馬行吏人應佩劍長者莫談兵
薊野風雲薄襄江虎豹橫甘棠思不淺會與峴山平

先往常熟有廉聲士民思之

五志歌 有引

仲秋之二日倪金吾日章邀同孫鴻臚嗣昭王儀部近微宋樞部
霞城斗酒雅集循往例也是日各言所志既無戲謔兼有勸勉余
作長歌
紀之

大火西流雷雨迫長安半是驚秋客客中有客不可
尋相招一過金吾宅舉杯未飲說鄉音邇來白米值
黃金夏浦已多秋令急靈州況復少甘霖聞道青驄
走上谷豺狼梟虎不食肉昨夜猶哭城市間自分爪

牙無遺族快哉里井矚太平歲歲好月照邊城海內
願聞歌鼓腹吾身進退寧關情客曰人生各有志嗣
昭一呼千人避世上都說九轉爐予也學仙不學吏
爲問霞城何所言塞草無煙白日昏矢買義田賙萬
口平生溫飽安足論近微胸次獨皎皎滿眼相看俱
花鳥一斗一篇興悠然謾言此外知多少座間誰稱
最少年日章自顧神翩躚白馬錦鞍倭子鐵男兒只
欲上凌煙此時魏生難默默喉中欲出心轉惻愧無
尺寸答 君王何如老農安稼穡君不見潘岳奉板
輿當年那羨駟馬車又不見弘景去神武迄今隱居

化塵土心如日口如著長歌莫教雪兒知

咏螢次王似鶴太僕韻四首

詎是星芒動分明到竹扉迎風偏落落帶雨故飛飛
精氣秋難腐身名晚更微自垂崑谷令爲爾惜殘輝

二

埋光宜大壑珍重出品簾自愛周身影羞爭滿地炎
檻花時有色荆露夜空霑不及南山豹衣毛總欲潛

三

會識溫風盡連宵幾度看疑煙歸別浦留影過輕紈
故國心難照高樓眼欲寒老人驚物候雙鬢雪漫漫

神奇通萬有此物出炎蒸欲逗踈林月還添暗室燈
中宵窺玉案孤夢託金繩搖落終飛去羈人却不勝
循吏歌與張開有令棗強

君不見人籍柔茅水歸壑慈惠不深俗易薄又不見
羊牽則卻驅則行峻法徒滋飲食爭漢廷多少循良
吏政教劃然得其平張子開有本長者二十個儻三
十雅自從謁選入承明堅樸渾如金在冶相見曾云
嚼菜根俯首雪涕就我言幼服庭訓矢清白躑躅反
慮辱公門近日蒙 恩殊不少 召入太和瞻 天

表尾附諸臣 賜宴歸金盤玉盃香繚繞異等忝廁
分榮名何以副之心怵怵男兒學吏女學婦得無一
指臨蒼生愧予難悉作吏苦惟嘆今人不如古古人
愛身今愛官此身一失官何補以爾素性甘清貧滿
眼瘡痍繫爾身榮辱得失天所主豈肯攫民媚他人
民乎民乎盡殘喘頻年水旱多展轉 功令初嚴匿
逃家生怕吏人驚鷄犬棗壤况復接二東大盜飄忽
勢難窮鈴柝夜聞城市肅狐鼠乘隙不敢訐諺云賈
人有牛庖人割用剛用柔吾自掇佇望循聲滿恒陽
傳中猶紀真衣鉢嗟乎初志如山不可奪

秋夜訪白東谷先生問禮且談詩因出斗酒款
予賦謝

夜拂香山座秋燈話不禁老成渾在眼恭讓却無心
杜甫詩懷潤猶龍道氣深半生勞記憶家世有鴻箴
單拙庵同年省親還 朝再請終養

共有陳情意君今得再歸應知頻上疏不忍又縫衣
祿薄親心得家貧客夢稀傳來詩句好北鴈正飛飛

公有歸山詩六
首一時傳誦

訪同年趙錦帆比部

淹留不敢問醉後淚雙垂作賦才難量爲郎宦獨遲

春雲孤少室客夢老燕支最是元龍輩交情若有私
重陽後一日訪李退菴侍御闈者以病辭作此
訊之

釣石瀕江不可溫又經風雨動高原自封丹葉秋臨
帖獨擁黃華晚閉門柱下有人新日月 座邊無闕
古乾坤謾將詩句邀山簡共倚書牀擊大罇
送季天中給諫徙上陽

掖垣封事下秋官責爾踈狂敢自寬臣罪尚餘千古
憾 主恩猶賜一家安廣陵雲起遲遲望鐵嶺風高
細細餐直北六星何處照老親終日倚門看

前題和王似鶴先生韻

初心那敢薄淮陽此日真同華表翔
萬里孤臣空灑淚中朝美事自垂裳
天高祇見霜華白地絕平吞月氣黃
出塞諸公今亦老共看留守射天狼

前題和桑笈雲先生韻

檻車東去晚秋天彷彿西湖范蠡船
終日跼稱君萬壽百年思報母三遷
好將書卷樓頭護自有風雷海外懸
迴想津門封錦纜小臣方信是訛傳

前題和魏石生先生韻

漢廷喉舌禁多疑況屬君王座右詞
午夜燒燈癡

僕語幾年簪筆諫臣思忠州自合行醫便
僣耳曾聞赴召遲幸得一身還許國
鷓行莫爲故人悲

答周伯衡掌科枉過可亭次韻

草色花香亂不鋤市朝猶卜野人居
高軒入夜驚皇甫舊牘舍霜拜史魚
素髮悲涼猶細細冰心拓落自如如
十年珍重燕山客讀得新詩即道書

送薛彤許分守河東

公舊按宣雲

昔年塞北乘驄出今日河東仗節遊
白簡清霜知按部新詩濁酒憶登樓
路迴王屋家堪問身近高堂涕欲收
出處莫增今昔感蒼生何地不關愁

東喬文衣

數年驚宦海無日不高吟冰雪幽人氣琴書俠士心
世情添白髮交誼冷黃金留客坐山月牀頭話古今

贈張行源 有引

行源尊人九萬公以新喻令值金逆之變罵賊不屈賊手刃之妻
妾弟媳皆遇害時行源隻身扶櫬艱阻備嘗萬里無恙余與行源
官光祿聞頗
悉敬而賦之

先世幽光迴不回蓼莪聲斷也哀哀半生血淚雙孤
盡九死風濤一櫬來人識忠門多令子天教寒暑老
中材應思他日酬恩地清白還從節烈開

吉子謫官出都 名允迪

吉子中州去朔風萬壑吹亂雲遮古道寒鳥坐枯枝
五斗腰還折三緘口自持半生師大俠湖海任人知
送劉闇然先生還山

曾見臨軒遣大臣東山初起 詔還新承 恩益覺
丹心苦去國方知白髮真自是 聖朝容解綬不妨
吾道有垂綸紫霞亭畔兒孫出雲外驚看一老人 公園

亭名
紫霞

歲暮與魏公度

舊作關門吏驚聞道氣深如愚長者貌無欲古人心
栢葉新將煮梅花老更吟行年正強仕趨向每駸駸

送同年衛澹足水部

三月孤舟穩攤書到白門鶯花資耳目雲樹滿乾坤
水國籌方大名山道益尊願追先輩業一卷細評論

時携鄒子
遺書付梓

寄張開有示勉

百里絃歌四壁春千秋直道在斯民每當中夜焚香
處應念高堂白髮人

酬田髯洲孝廉

海內風雲歸此日廬中抱膝屬何人大江行地堪經
緯元德先天自屈伸萬里間關無俗夢九州聲氣有

同倫我來欲讀新詩句白鶴沙鷗未可親

送周芑穀遷充西兵憲

數年通籍後今日始臨民器使歸 仁主分猷體大

臣霜清狐穴閉河塞蟻堤新不改梧垣素聲名慰老
親

得孟淑明先生書因見長公興符

有客翩翩至重開萬里書問師丹壑外念爾白雲初
國器天相助家門道自舒一身依日月雙璧復何如
追贈呂新吾先生呈減之同年次覺斯先生韻
不到藏書閣高風那可尋嵩雲秋漠漠洛澤晚陰陰

道絕中原憾天留萬古心家聲還不墜麟鳳有遺音
酬郭卧侯同垣二首

邊城斗大推廉卓海内文章屬卧侯從此相期惟太
上公餘每上讀書樓

二

曾向垣中讀諫書少年賈誼近何如一時言路多君
子還為蒼生鬢髮疎

贈絳州馬季常先生

霍下披裘矚太虛從來絳縣有仙居堂前草色垂新
帶帳外經聲接素閭湖海但容高士卧煙霞真滿異

人裾生兒已自承家學猶勝柴桑不讀書

送王近微同年分守慶陽

腰下吳鉤久不懸重看畫戟出幽燕神明有定詩堪

筮功令無私宦亦仙評吏夜張青玉案省耕春駐白

雲阡明年鴈叫桑乾曲知和先生第幾篇

公應堪任養民之舉特轉監司

偶以詩卜得慶陽亦是先王地之句遂知為讖云

為趙香雪壽其太翁

巾扇風流更不如名山著作幾多書仲舒垂老耽經
術李熹當年却聘車世外滄桑何處穩夢中蝴蝶一
身虛仙郎稔許工詞賦吾道蕭然付石渠

哭魏昭華先生

昔年未去身猶健，昨夜空傷萬里冤。
海上鱷魚驕白日，庭前鵬鳥下黃昏。
遺書暗灑孤臣血，垂死仍啣故國恩。
最是聖朝容直諫，許君骸骨葬平原。

送宋霞城同年分憲荊州

車過荊門柿未紅，南人却欲識韓公。
衣袍自浣三湘月，豺虎空驕萬壑風。
好友夢隨長缺去，老親家在白雲中。
平生血性知難減，定有剛柔濟世功。

壽嚴太母呈灝亭掌科

吾聞古人之壽德，爲基嚴氏豎德山。
不移閨中阿母

稱嚴師，六月六日酌金卮。
金卮初進色，委蛇欲飲未飲心。
憂思憶昔十五始，結襦聞說清白家。
訓垂堂下井臼親操持，篋中簪珥不敢私。
四十年來苦如飴，此意須教兒孫知。
爾時酌酒復進辭，自兒捧檄甘旨虧。
有祿俸免八口饑，士安板輿何能爲。
老母聽之轉怡怡，爲喜生兒際良時。
蚤讀中秘侍丹墀，天子書名列眾愚。
重許左右職，諫規白馬騎。
出梧掖，遲讜言更與家聲宜。
酒卮三進七箸施，諸孫遶膝歌龐眉。
予也。有母久別離，行年望七髮絲絲。
欲就升斗筋力衰，門閭日夕生千悲。
書來但呼不孝兒，嗟哉嗟哉不孝兒。

范式堂前拜老慈

拜疏

齋沐中宵起燈光復爛然十年遊子淚兩疏 聖人
前令甲垂星日肝腸託地天 綸音何日下爲報白
雲邊

辭朝

曉騎趨天陌平明拜紫微敢言違 帝座聊得奉親
闈輦下風雲重山中藥石稀此行歌 聖澤清露滿
朝衣

抵蔚

依舊天涯子家鄉只暫過一官勞日月雙淚出關河
市井黃塵暗親朋白髮多不才應瓠落強仕復如何
見母

十年離故土今日傍庭萱嘻笑偏多淚風霜不忍言
幾人憂仕路八口賴家園解得高堂意平生識 聖
恩

侍藥

疾病關兒女堂前合自傷未看鳩作杖誰信髮如霜
戊巳生成大參苓氣味長東垣知妙理今古憶良方

時以補中益氣湯
加竹瀝服之頗效

進封

樗散中朝列承 恩膝下身 詔書經六載 封典
及雙親數世門閭舊全家翟弗新合當慰慈母北向
祝楓宸

病中送翁渭公直指還 朝二首

絕代文章漢大儒親承 特簡出飛狐乘驄問俗驚
神鬼攬轡行邊入繪圖春雨自生寒谷潤冰心惟指
大恒孤還 朝定有新封事塞上風霜次第蘇

二

幾度停車問草萊邊人何處識烏臺九宮佳氣王臣

駐三殿直聲使者迴穴裏豺狼終伏避蹊前桃李合
爭開獨憐肺病牀頭客空羨鶴班濟世才

李世唐兵憲問病榻前志謝

百年生死道何如半世升沉付子虛榆塞幸聞長者
屐蓬門忽枉故人車一官去矣懷安託公將謝事吾道行
乎鬢已踈回首 君門多涕淚不堪重上乞骸書

沈茶庵司李以詩問病次韻寄答兼送二首

歸來重話十年初落落行藏坐一踈已謝笏頭京兆
筆合添屋外杜陵蔬曲全骸骨惟封事消受 恩光
有賜書况是輞川能愈疾不愁明日又河魚

滿筒詩句敵黃初旗鼓中原道未踈食粥魯公猶乞
米去官元亮祇茹蔬自從當日題佳士曾向何人得
異書身到衡陽休北望最關心處是鴻魚

仰海川叅戎問病榻前志謝

闌外清風挹戍樓幾回腰下看吳鉤控弦李廣真猿
臂食肉班超自虎頭信是三軍司命主還當九塞立
功秋近聞臺使書名姓獨許登壇在蔚州

郭元庵兵憲抵蔚問病志謝

共倚梧垣待漏遲而今岐路各相思蛾眉豈合時人

見駿骨多因 聖主知汲黯淮陽心不薄賈生宣室

召何疑懷中舊草應無限會看爲霖濟遠陲

蔡介磁太守問病志謝兼訊敬侯

豐城雙劍起蓬萊召杜風流亦快哉鳧舄舊從嵐縣
去鹿車新向鴈門來凋殘風土真堪繪惇大 朝廷
不計財一自茂陵人卧病懸知雲塞有春臺

張仲若督府拜三省之 命去而思之

壯猷真不負 明時侍從班中 帝所知午夜籌邊
風雨動清秋按部虎狼悲中原一柱才應借司馬三
關召合遲爲念蒼生還入對武侯巾扇繫人思

病中和徐雲門見懷韻二首

自買青山卜築初閉門五月故人疎奉親潘岳亭為

御余構亭子名與好客崔瑗飭亦蔬萬壑難償 雙闕夢十年

空貯一樓書期君共理玄亭業病眼模糊溷魯魚

二

一冬僵卧又春初華髮驚看日日疎道士鶴糧供蓐

食鄰人菜把足盤蔬閒抄李密陳情表懶讀長沙痛

哭書此舌幸存吾足矣更無福命佩金魚

孫鴻臚嗣昭捧齋事竣過蔚

同下承明侍從班君來天上問 天顏 朝廷大赦

中原望使者嚴程故國攀幸有春光留紫塞轉憐衰

病卧青山一時京洛諸公好回首依依魏闕間

朱山輝僉憲問病榻前志謝

文園寂寂病何如篋裏曾無封禪書北塞關河空灑

淚故人風雨一停車中原拙宦潘生老下里狂名阮

籍疎一自使君來上谷風流還記五雲初

山中隱者潘藏山至蔚

家住烏龍第幾峰怒來城市亦奇蹤藏身豈合稱門

卒避世將無作冶傭十畝高雲犁欲破一簾飛瀑戶

常封知君久是青山主野鳥溪花盡附庸

聶天一卜居新構亭子走問

收盡蘿山萬壑雲平泉今日定輸君安排野逕隨天
趣指點晴嵐到夕曛幾處可容人共醉就中只有夢
難分欲扶竹杖尋幽跡花鳥應嫌耳目紛

檄催補官知告病之請未允感賦東聶天一二
首

檄書昨夜問東山感激 中朝淚欲潛萬壑煙霞成
痼疾十年樗櫟誤清班忍看溫嶠辭親去竊效周顒
奉詔還最是升沉難定處白雲滿地一賢關

二

客路荆榛已自傷又看綸綍下明光勉扶幼子辭花
逕細囑醫人檢藥方狂客祇宜歸鑑曲病臣何用卧
淮陽亦知此去承 恩易却恐慈闈涕淚長

拜別先塋

白日烏鴉樹樹悲椒漿奠罷復陳詞十年京國羞溫
飽累世家門識孝慈夢裏猶驚人欲殺歸來祇念
帝無私行藏拓落先靈祐敢效王家誓墓兒

別兄

那得兄前一語無郊原黯黯病相扶封侯命薄應無
禍負郭田荒尚有租好辦蒸嘗司粟棗漫傷時序插

茱萸行年五十須珍重佇望書來說蚌珠

時兄年近五旬尚未立子

丁酉再入都門

七月二十三日

居庸關下水悠悠拱化城邊望鳳樓九陌雲高開邸
第四郊風動走驂騮還鄉司馬身難定奉母安仁志
欲酬衰病不禁冰雪淚上書仍傍帝王州

先是請告部覆未允

送喬文衣之湖口令

我來君去意相關白鴈飛飛不可扳幾載漫遊江海
上一官恒寄笑譚間定知僚友詩堪把只讀農書吏
亦閒

君梓農書行世

仙令雙鳧何日到好傳風雨過廬山

讀張譙明都諫斗齋集有送趙錦帆詩十首因

問錦帆去國之由

入國心驚去國人秋光滿地白粼粼何年誓墓身將
隱自古書空事必真少室三秋雲淡蕩黃河一鴈影
逡巡徐公不忍辜臨賀得句篇篇繫逐臣

送楊崑岳少司寇覲省太夫人

邦禁如山倚大臣忍將家事叩楓宸祇因錫予恩常
渥遂使斑斕意更真客裏黃華開驛路門前白髮憶
征輪且辭少昊堂中業聊作者英社裏人

送同年張東山少司寇養病歸里

同是天涯卧病身送君歸去忽沾巾少年兄弟今餘

幾九列功名合讓人夢裏青山仍素業風前白鴈自
勞臣社中諸老如相問

時綠雪白山
伯珩里居

為道疎慵復下陳

送郭卧侯掌科分憲西寧

經年肺病卧山城入國心懸白馬生近日淮陽多給
諫幾時關尹過西京種花老吏風如舊視草諸郎淚
欲橫一路秋雲隨騎足遐邊處處想澄清

和韻答聶天一見懷二首

卜築官巖深復深門前柳色正陰陰高人會倚千峰
卧客子空懸萬壑心豈有才名稱獻替全將宦跡付
升沉秋來頻首燕臺上三月曾無一字吟

又

東來馬首怯巒岿况復關心事幾端白髮數勞鄉國
計黃雲晚散帝城寒交聯杵白應難恣命寄參苓敢
自寬惟有晨昏堪慰藉年年鴈字報平安

和韻答徐雲門見懷二首

長安風雨自如如門設常關十懶居九月詩來君有
藥中秋鴈去我無書兒生客裏慈顏好夢到雲邊宦
迹除記得蘿山同問夜滿天霜氣一亭虛

又

晨昏碌碌不相離已忘去聲秋風壺水涯千里低徊况

妹在一官消受鬼神羈

余病甚援詞林汪公例撫按代請調理部覆無例仍催赴補既扶病入都始知汪公

覆准在籍調理久矣殆鬼神用事云

向人啼笑應誰主幸我疎狂蚤自知拾

取古今成法戒邇來無暇更吟詩

余有古今嘉言錄之選未竣

送孫興公少司空致政歸里

雪擁寒冰出御溝老成歸去正悠悠談經久抱關閩志報國真同稷契儔豈為青山辭魏闕却因白髮立滄洲相從更欲傳心學伏枕燕雲滿目愁

輓李少司寇慶餘先生

初疏情詞已自哀榻前仍荷玉音來百年氣向封疆盡一代名歸遲暮才難報主恩兒輩在欲垂家

訓義堂開

方建家塾屬余為記

過門不敢輕揮淚自有星光燭夜

臺

又

孺慕百年還涕淚幾回堂上拜吾家

先生每過余卹舍問家慈無恙曰君家樂事我

獨鮮民輒涕下前月廿二日遣人致詞曰病危矣不復來候太母起居矣

傳聞易箆呼

丹陛但欲抽

簪謝白麻無愧平生書數卷可憐客路鬢全華延陵一劍終相許不為先生報木瓜

送周伯衡少叅齋捧事竣歸蕪湖

碣石春寒二月初故人騎馬過閒居無言但問萱親好別後惟看素髮餘江上魚龍能寂寞日邊風雨自

寒松堂全集
蕭疎一時同學東南少退食堂中獨著書

又

車過石城梅柳春樓船相望大江濱懸知風俗移諸
郡況說官僚見美人關塞雲荒鼯鼠叫荆湘水濶鴈
鴻親多君不負臨軒意南北悠然舊諫臣

珊瑚棗

海上安期信有無西來棗子是珊瑚秦風謾取形爲
號戴禮空傳婦獻姑酒後拈將甘似蔗皮間摘去核
如珠當年蕙苴猶滋謗愁絕斯名又被誣

送朱嵩若少宰覲省太夫人

君恩特許侍親闈滿路垂楊映日輝魯國書生雙負
米漢庭冢宰一斑衣祇因機杼情難報不爲尊鱸興
欲歸此去定知顏色好卧看北斗是王畿

哭中書湯子

名衍中

館舍蕭蕭白日寒忽驚箕尾去長安九年甲榜終身
事五月中書一命官却幸生兒難記誦可憐先世倍
艱難才名寂寞湘江冷數卷遺詩不忍看

又

兩度京華哭楚人

先是譚韶
來卒于官

百年未半總傷神乾坤拓
落江聲苦生死蒼茫客路頻馬氏漫言多令弟絳侯

空擬是前身堂邊藹藹春風起吾道中原恨轉新
喜武承之至

一度君來一快吟吟成歷歷故人心謀身自得希夷
數學道仍懸夜氣箴雲過小亭依瘦竹鳥鳴高樹惜
層林此番莫說輕歸去北海西山正可尋

老母歸里紀事

戊戌四月二十五日

自秋徂夏二百日去住間關神倍傷弱媳扶持事碌
碌遠兒留滯情皇皇行藏幸不違盛世菽水空煩支
太倉灑淚牽衣聽慈訓讀書閉戶青門傍

送張鏡一秀才問業歸蔚

坐得春風一月無蕭蕭竹影共吾徒氣通天地文人
貴行過關山大筆孤未許才名知狗監不妨心印接
鵝湖他年事業終期汝萬里雲霄是壯圖

聶天一入都補官有感

半畝園開素業初園名飄然一劍欲何如詩傳白社俱
成淚客夢青山不敢書猿鶴依人還寂寞風雲滿地
自躊躇年來擦向金臺老種秫栽花事總虛

王近微同年請告歸里初構草堂成索詩

壯心曾未許煌煌霞彈鉞歸來鬢欲華茅築依城渾是
嬾青山當戶若爲遮衣裳盡染風雲氣事業平看草

木花早晚詩人相過處更無車馬到君家

余既入都詢知工科散公逝哭而輓之

急雨高雷聽不勻同君問夜幾經春如何塞國登朝
日不見西垣抗疏人無地可拋兄弟淚有書難問死
生因從龍多少英雄在痛惜 中朝一小臣

公名散都
滿洲人存

心忠直論事動以古諫臣自
期同垣交余與姚若侯尤善

都門贈田髯淵次韻三首

日閤柴扉客不疑水濱茅築慣棲遲著書班馬今無
事應世夔龍自有爲薊北山川雲出後江南風雨夜
深時從知逆旅悲歌盡十載狂名半篋詩

又

才名藉藉動朝紳賸有詩篇托鴈臣長鋏久虛金馬
詔孤燈晚向秣陵親何堪華髮中原老不愧青雲半
世貧顧我年來消渴甚每從伏枕和陽春

又

相思日日問籃輿杖策驚聞傍玉除乞米漫投顏氏
帖買舟應載鄴侯書何妨世法周旋少轉以交情會
合踈百尺樓頭豪氣在無門更肯曳長裾

送張譙明掌科遷蕪湖分憲

燕臺五月火雲浮有客承 恩采石洲袖裏諫書還

落落日邊詞賦總悠悠幾年風節歸吾黨一部樓船
控上游舊是西泠真地主熱腸一洗大江流

送朱山輝臬憲自宣府移登州

攜得清霜入塞垣東南一望法星尊蜃樓飄渺迎仙
旆憲府崇高壓海門不使鼉鼉乘浪出好將日月帶
雲吞傳聞部內多良吏詩句何人可共論

聞曹翼辰銀臺請告

同朝同病不同歸聞道先生竟拂衣清節祇應明
主鑒熱腸贏得宦情違幾年瘴雨催人老一片燕雲
向客飛疏上丹墀何日報西風遙望正依依

立秋前三日問高念東先生病

時余避暑
城外候補

數月城西倚翠峰夜來懷刺一登龍何當醫國人高
卧竟使還山客自封門巷舊無車馬跡市朝難愜水
雲淙會驅毒熱宜秋氣拄杖穿花好過從

訪朱小晉同年移居兼懷馬玉筍年家

白睂已去無鄰舍忽憶牆東朱解元風雨蕭條渾欲
醉衣裳顛倒更無言新蟬聒耳聲聲變舊竹關心个
个存何日過君虎橋外濁醪奇字一評論

秋日問白東谷先生病

暫息螭頭曳履聲循思主眷到蒼生愁心漫逐西

風起素髮重添白雪明四海封章無旱潦 中朝玉
律本生成會看高坐親刑柄莫厭吟詩慰衆情

送張爾成侍讀分憲青州

青海茫茫接二勞侍臣東下一垂橐車前檄到波臣
靜座上詩成蜃氣高會看諸僚飛漢舄休誇舊日賜
官袍西風北鴈聊相問何地文章有鳳毛

又

重思把酒慰賢勞收拾風雲入鞞橐京國此時方看
月驛樓何處一登高旌旗曙色連金馬島嶼波光上
錦袍痛哭蒼生無限淚肯教諸吏更吹毛

時聞所部
有墨吏

李琳枝侍御以言事再下詔獄未幾復官賦此

慰之

埋輪曾過大江濱謾草封章復此人磊落百年還幾
事踈狂萬死一孤身 皇天默助垂衣 主聖世偏
容析檻臣滄海恩波終欲報太平時節莫傷神

又

聞君數月缺薪水愧我經年祿食違清白關西仍問
夜詼諧曼倩已長饑台星自繞 天王座湛露重沾
御史衣最是小臣風節好 廟謨今日更巍巍

烏烏篇祝頡萃西母七十壽

朝朝烏鳥飛飛來鳴高柳一鳴一迴顧聽之欲翹首
 我愛頡戶曹十年稱素友堂上有萱親庚甲同我母
 戶曹說懿行我亦述慈厚頡母性溫柔善氣時在口
 我母和且莊語笑弗肯苟頡母勤家事寸績不去手
 爰有服勞人稍為釋井白我母崇儉德門內如官守
 欲留座上賓方剪園中韭頡母胃氣強曉食過申酉
 我母雖善飯午後須步走頡母就祿糈有兒依左右
 既慰萊子舞何須仲由負我母念兒貧為兒饋升斗
 有夢來京華問視惟少婦頡母真賢哉我母德相偶
 頡母值古稀理道知可久戶曹捧霞觴我為歌黃耆

王事豈多艱錫類感 元后轉盼我母辰西望三酌
 酒持此菽水情共祝康而壽

徐靜庵戶曹同李退庵同鄉過小齋坐談和韻
 歸朝無一事有客問幽栖李郭登舟晚羊求入徑迷
 江湖元拙計花鳥自新題念此昇平日山田好插犁

又

竟日同君坐如觀武庫森無言非大藥有酒覺空斟
 不立千秋上難平萬彙心頻年憂二豎能復暗相侵
 九日坐李退菴同鄉齋中詢其舊按湖南情形
 祇為登高出來君退食堂書聲迴蠟屐雨氣入花廊

卧病追隨少逢秋涕淚長清談須有濟法度及文章

又

今日逢佳事諸曹應制回

是日上傳部屬二十九人親試改授

求賢歌

盛

代對友惜深盃卓午雷聲急停雲霽色開復從花底

散騎馬抱書來

時携退庵文稿歸寓

贈賣書者

儒俠真難見攤書忽解顏無田依祖墓共友出名山

風雅千秋業乾坤半世閒麻姑栖息好歸去莫開關

贈黃心甫

海内知名姓重來慰所思著書燕市滿入座大江移

菽粟元真味文章恰盛時晚年心力好吾道一維持

贈殷伯巖

吾友申伯子遯跡南山巔把臂有畸節風雨相盤旋

秋來貽我書為言寃夢牽勞彼肝膽人顧我金臺邊

曠達不常有清白繼高賢幸無冠蓋束酌酒忘歲年

平生聞道要知名匪浪傳申子肯吾欺對爾思悠然

次韻寄懷申鳧盟

懷人多不遂落日大河濱地接川原氣天留著述身

夢中吾欲老雲外客誰親彷彿行吟處浣花別是春

寄訊袁丹叔太守兼懷同年畢亮四大叅

溪山無恙好行春太守年深鹿亦馴租賦敢云書上
考兒童漫自說清貧仙僚解印誰知已施長也王文二節
史筆公俱去任

使登車幾故人畢大叅自
粵入浙為念拾遺多病後滿籠風雨

過天津時以石斛何
首鳥見貽

送同年翟象陸大叅自江右移秦臬

天下皆吾事斯人豈易尋夢留章水濶車過太行深
充國屯田畧文翁化蜀心西京猶可返風教日駸駸

送同年解法周遷池州太守即用見別韻

一陽傳令節中夜氣孳孳小雪催寒蒞停雲護老枝
正當求友日恰際拜官時太守推人望司農邁等夷

文章須豹變風格自魚麗作珮思蘭蒞防身問蒺藜

昭明遺舊蹟杜牧有前規畫軾登南國麟符出右螭

蒼生方欲起長吏更何為每矢清如水休辭苦若飴

催科王事急撫字內廷知政以桑麻見情同婦子嘻

敢忘三尺法未報百年慈有鴈書難寄為熊夢可期

褰帷周綠野賜服憶丹墀先令濟陽舉
卓異賜衣愛馬先祛蠹觀風

只採詩九華青兀兀二水白漪漪願爾追廉范憑人

說項斯虎狼能寂寞鬢髮各差池碑碣功名淺關河

聚散遲贈言千古意聃老是吾師

次韻和宋子飛同年齋中竹影

此君清節晚踈踈况是搖風映月初千个細臨高士
榻一窓寒動古人書渾疑拄杖探雲壑便合為家結
草廬萬彙齊觀都是影秋來珍重不須鋤

酬紀伯紫次韻

不同香火亦同心鷄黍留連氣鬱森都下幾懸邀客
榻山中未報買書金詩傳紫塞風塵隔雪點紅爐願
力深數載一人今始定何勞市上碎胡琴

問韓固庵病兼訊選先儒格言竣否

大道愁何有蕭然病亦侵讀書猶故迹無欲是天心
垂老文章細平時意氣深春風留一座萬古識元音

送嚴灝亭掌科請假省親

共識梧垣有鳳麟如君風節倍嶙峋傳來諫草俱王
道網得名珠是國珍典山左試人文最盛白水盟心期後輩紅雲

捧 詔慰先臣還朝好奉慈輿出莫向湖邊問釣綸
送陳天紱儀部遷長沙太守次韻

道在如家在何時不可還一腔春藹藹百派水濺濺
物我原無界行藏自有天報君千里去吾欲托鴻肩
輓王副憲鐵山先生

萬樹冰華結蚤春皇天有兆屬斯人按玉筍集云冰凌禾稼大臣怕是春凡數見云

英雄遇合尊 昭代吐握殷勤惜老臣前以大學士管吏部尚書氣

盡空餘千古淚才高未了百年身東南此日徵文獻
痛哭先生不敢倫

次韻答魏石生同年雨中見懷

總不計晴陰何妨旅病侵十年雙淚眼四海一丹心
序轉無歸鴈天荒有落禽故人勞問訊春色滿鷄林
又

纔知惜寸陰無柰二毛侵失學頻年事埋名此日心
春風歸雨雪夜氣轉人禽如此衰庸客應嫌寄上林
送李五鹿少司農請假遷葬

中外馳驅意不遑賜衣曾近五雲光

公先舉廉卓蒙
賜衣褒嘉之

司農

會計惟軍國海內徵輸有旱荒自是心胸還戀主非
關富貴欲還鄉先人塚上松楸在早晚依依看雪霜
送桑笈雲先生自粵西入 覲移河南方伯

肆覲初懸桂嶺圖又瞻嵩嶽一馳驅朝端舊識真驄
馬海內誰稱古大儒自有屏風書正直肯將經術等
虛無嘯臺咫尺孫登在碧水青山道不孤

孫鍾元先
生讀書處

送馮秋水方伯入 覲復回粵東

十載飄飄宦跡同多君到處有成功金陵舊業圖書
在粵海新愁鬢髮中幾向雲邊停去馬定知天末惜
歸鴻鴈門直北靈仙近

蔚地名

我欲還家訪二馮

恒山
里居

寄江桂庵先生自蔚州歸里仍用前韻

灑落襟懷異地同又看歸鴈惜天風峰迴少室人如
見水隔黃河路不窮何日過門窺大隱幾年尸位愧
羣工名珠入掌曾相問竚望書傳蔚塞東

題雕丘督稼圖贈同年梁葵石光祿

青山碧水古雕丘督稼圖中足卧遊歲月喜從戎馬
得煙雲況是祖宗留百年心事堪偕隱十畝風光已
坐收冷暑秋高相憶切知君佳興晚悠悠

酬徐子星掌科次韻

堤外飄飄綠柳垂閉門焚草幾人知喜當朝宁清明

日況是言官戇直時衾影真修期我輩旂常大業許
來茲君方盛壯吾將老滿眼燈花寫一詩

懷易子然卽題白鹿書院

子然所建也

獲鹿風流宰逢迎事幾端月臨飛驛白春入講堂寬
綠柳隨花種青山逼座看公餘還駐馬處處問艱難
又

易生才不小叢爾尚淹留定有神明號真無學術羞

百年吾自慰六字爾相求

余有六字箴曰
循理守法安命

知己多搖落加

餐報蔚州

次韻答同年馮易齋先生見過可亭家兄與坐

可亭重額望雲亭况復亭前聚德星客向金門逢骨肉人從鹿洞想儀型幾年矜字方能去是處狂言不敢聽惟有清剛宜盛世寶箴應獻御前屏

報國寺海棠用懿侯韻

晚年不是看花時每到春來舉步遲報國韋公堪並美參天拔地兩垂絲

二

海棠椿樹各東西人去題花我亦題想到春光留不得悔將顏色報山妻

送孫壽周奉使江南蘆政

仰視天爲衡俯視人爲鏡天人有至理識者起深敬近愛孫水部澹泊出至性一日知爾言十年知爾行菽水報堂上此外無他競昔從荊州來念念缺溫清立我可亭傍相對心如柄及今使江上矢志答 明聖蘆洲雖民力課足民何病錙銖不可問惟恐資臬獍出入慎所司寬嚴爾爲政從此隔千里過失誰相諍吾道重剛毅吾生本孤勁天乎非人爲行法以俟命

松江太守行

松江太守李正華頌聲傳播國人誇或曰留錢飲江

水噐俗化桑麻或曰權貴無私謁豺虎失爪牙鉗粟
斗酒事上官上官一拜一咨嗟雲間紳士如同口尸
祝況聞百萬家丙申 大計冠羣吏郡邑逋賦悉責
備鐫級倏爾列姓名手把邸抄不忍視臺使李公上
薦章李公諱森先部民罷市情皇皇山公啓事具成例江上
空留勿剪棠歸來附舟衛水部僕馬蕭然過江浦水
部伉爽言匪欺益信循良無今古十年爭羨太守賢
千里思齊太守伍 廟堂格外多恩威孰功孰罪堪
悉數君不見受金侍御服極刑倒戈南人錫茅土太
守太守安得把臂說平生遭逢 盛世猶躬耕吁嗟

太守胡自輕

陸孝山見貽端硯寄謝

懷人在嶺表嶺雲何幽深太守守守衝郡逢迎繫我心
一硯猶愛惜胡爲越千岑命以端介名潑墨供秋吟
在德不在石悠哉君子音

送同年楊雪嵐少宗伯乞假送太夫人歸里

昔年同望白雲飛今日忻看畫錦歸 聖主施恩先
菽水大臣爲政亦斑衣車來碣石情方愜路過黃河
夢已稀遶樹慈烏空自慰那能無意向春暉

午日有感

退食端陽日關心白髮初著龜何處問藥餌幾行書
穰毒沂公感酬恩李泌踈皇天高可鑒君子意何如
與同年張伯珩登樓講學

造化珍元氣大道傳真剛維持天壤間五行兼五常
我年過四十中夜多徬徨空質寡實力安得狷與狂
知者誰爲言徒使淚沾裳卓哉張廷尉鍾靈析山陽
妙齡備中和長者心難量指我知命說贈我守身方
一字一藥石學豈在深藏有過期共白片善渾相忘
賴此至性人幾希免自戕嘗聞古儒者三才藉匡襄
樹德通萬類華國本天良君爲董仲舒日月饒輝光

余也愧薄劣泛泛逐巖廊屋漏不可欺六月懷冰霜
次韻答韓固庵枉過可亭

但得高人過他鄉卽故園無雲遮月窟似雨濯天根
鬢髮崇朝改乾坤一息存羨君湖海錄重與細評論
爲上谷席秀才兄弟壽母

席家兄弟好奉母不分居十畝秋供饌孤燈夜讀書
風塵雙鬢少日月一門舒歲歲中元節忻然御板輿
金母九十爲君彩縣丞志喜

安仁雖小吏九袞母堪欽千里孤舟路十年寸草心
雲飛金粟近鴈過洞庭深自畫斑衣子堂前報好音

君彩善
丹青

懷友

坐對西山色懷君洛水濱
兩河風俗侈三晉性情真
耕鑿歸元氣輸將念小臣
相期千古事六月飲冰人
送同年王藉茅復補涼州分憲

江東雲物等閒過又看征車渡渭河
一代風流詞賦老頻年閱歷苦辛多
防秋漢使瞻鴻鴈入款番人貢橐駝
不負生成今日事玉門長嘯記恩波

送李毅可少叅分憲大同

雲中古戰場今日亦殘疆
問月逢秋白行邊度草黃

風流羊叔子仁愛段文昌
佇看星車到民巖祝樂鄉
送許傅巖掌科省親余方終養卽用見贈元韻
漸覺西山爽氣闌此時秋色且同看
雲邊待命黃封降輦下分襟
白水寒倘過蘇門尋大隱
莫忘梧掖指中官
歸程十日君先去料得高堂夢已安

初秋集青藤館退谷先生邀同趙洞門龔芝麓
袁九敘三先生餞余分得一東

白髮青箱退谷翁樽前花鳥此相同
君依北斗家常北我去東山道未東
厨顧事驚千載上耆英人在一朝
中興亭好月團團照定憶京華賦在公

和韻酬龔芝麓先生兼別諸老

陶唐日月袞衣垂憶昔曾陪聽鑰遲鸞鳳高栖應有
伴驂騮失路幾堪騎文章氣老經營後風雨交深寂
寞時臨去莫看雙鬢色恐君明日賦將離

侍養得請再出都門

巳亥八月初二日

出入班行十四秋曠官竊祿總堪羞踈狂每荷宸
心鑒毀譽應勞太史收在帝股肱真濟濟歸家菽
水敢悠悠叨承錫類恩非淺北望星辰是鳳樓

寒松堂全集詩卷五



